

欽定科場條例

欽定科場條例卷六十一

繙譯鄉會試

下

歷科繙譯鄉會試中額及各舊案

雍正二年甲辰科繙譯鄉試取中滿洲繙譯舉人九名。

雍正四年丙午科繙譯鄉試取中滿洲繙譯舉人十一名。

雍正七年己酉科繙譯鄉試取中滿洲繙譯舉

人十三名。

雍正十年。壬子科繙譯鄉試。取中滿洲繙譯舉人十六名。蒙古繙譯舉人二名。

雍正十三年。乙卯科繙譯鄉試。取中滿洲繙譯舉人三十四名。蒙古繙譯舉人六名。

乾隆二年丁巳

繙譯鄉試取中滿洲繙譯舉人五十四名。蒙古繙譯舉人九名。

乾隆三年戊午科繙譯鄉試取中滿洲繙譯舉人

人三十六名蒙古繙譯

人九名

乾隆四年己未科繙譯

試取中滿洲繙譯進

士二十名蒙古繙譯進

二名

乾隆六年辛酉科繙譯試取中滿洲繙譯舉

人五十五名蒙古繙譯舉人九名

乾隆九年甲子科繙譯鄉試取中滿洲繙譯舉

人四十八名蒙古繙譯舉人六名

乾隆十年乙丑科繙譯會試取中滿洲繙譯進

士十六名蒙古繙譯進士二名

乾隆十二年丁卯科繙譯鄉試取中滿洲繙譯舉人五十二名。蒙古繙譯舉人五名。

乾隆十三年戊辰科繙譯會試取中滿洲繙譯進士十八名。蒙古繙譯進士二名。

乾隆十五年庚午科繙譯鄉試取中滿洲繙譯舉人三十三名。蒙古繙譯舉人六名。

乾隆十六年辛未科繙譯會試取中滿洲繙譯進士十六名。蒙古繙譯進士二名。

乾隆十七年壬申

恩科繙譯鄉試。取中滿洲繙譯舉人三十三名。蒙古繙
譯舉人六名。會試取中滿洲繙譯進士十六名。
蒙古繙譯進士二名。

乾隆四十三年。戊戌科繙譯鄉試。取中滿洲繙
譯舉人三十二名。蒙古繙譯舉人六名。

乾隆四十四年。己亥科繙譯會試。取中滿洲繙
譯進士三名。蒙古繙譯進士一名。

乾隆五十二年。丁未科繙譯鄉試。取中滿洲繙
譯舉人二十名。蒙古繙譯舉人五名。

乾隆五十七年。壬子科繙譯鄉試。取中滿洲繙譯舉人十五名。蒙古繙譯舉人二名。

嘉慶二年。丁巳科繙譯鄉試。取中滿洲繙譯舉人十五名。蒙古繙譯舉人二名。

嘉慶七年。壬戌科繙譯鄉試。取中宗室繙譯舉人八名。滿洲繙譯舉人二十名。蒙古繙譯舉人四名。

嘉慶八年。癸亥科繙譯會試。取中宗室繙譯進士二名。滿洲繙譯進士十三名。蒙古繙譯進士

三
七

嘉慶九年甲子。八旗繙譯鄉試。取中宗室繙譯舉人九名。滿洲繙譯舉人二十三名。蒙古繙譯舉人五名。

嘉慶十年乙丑。八旗繙譯會試。取中宗室繙譯進士二名。滿洲繙譯進士三名。蒙古繙譯進士一名。

嘉慶十二年丁卯。八旗繙譯鄉試。取中宗室繙譯舉人八名。滿洲繙譯舉人二十四名。蒙古繙譯

舉人五名。

嘉慶十三年戊辰科繙譯會試取中宗室繙譯進士三名。滿洲繙譯進士四名。

又戊辰

繙譯鄉試取中宗室繙譯舉人七名。滿洲繙譯舉人二十四名。蒙古繙譯舉人五名。

嘉慶十四年己巳

恩科繙譯會試取中宗室繙譯進士二名。滿洲繙譯進士五名。

嘉慶十五年庚午科繙譯鄉

取中宗室繙譯

舉人九名滿洲繙譯舉人二十五名蒙古

舉人五名

嘉慶十六年辛未科繙譯會試取中宗室繙譯

進士三名滿洲繙譯進士六名蒙古繙譯進士

二名

嘉慶十八年癸酉科繙譯鄉試取中宗室繙譯

舉人九名滿洲繙譯舉人二十七名蒙古繙譯

舉人四名

嘉慶十九年甲戌科繙譯會試取中宗室繙譯進士二名滿洲繙譯進士六名。

嘉慶二十一年丙子科繙譯鄉試取中宗室繙譯舉人七名滿洲繙譯舉人二十六名蒙古繙譯舉人五名

嘉慶二十二年丁丑科繙譯會試取中宗室繙譯進士二名滿洲繙譯進士七名蒙古繙譯進士一名

嘉慶二十三年戊寅

恩科繙譯鄉試取中宗室繙譯舉人六名滿洲繙譯舉人二十三名蒙古繙譯舉人三名

嘉慶二十四年己卯

恩科繙譯會試取中宗室繙譯進士二名滿洲繙譯進士七名。

又己卯科繙譯鄉試取中滿洲繙譯舉人七名。蒙古繙譯舉人一名。

嘉慶二十五年庚辰科繙譯會試取中滿洲繙譯進士四名。

道光元年辛巳

恩科繙譯鄉試取中滿洲繙譯舉人七名蒙古繙譯舉人一名

道光二年壬午

恩科繙譯會試取中滿洲繙譯進士三名

又壬午科繙譯鄉試取中滿洲繙譯舉人七名
道光三年癸未科繙譯會試取中滿洲繙譯進士四名

道光五年乙酉科繙譯鄉試取中滿洲繙譯舉

人八名。蒙古繙譯舉人三名。

道光六年丙戌科繙譯會試。取中滿洲繙譯進士四名。

道光八年戊子科繙譯鄉試。取中滿洲繙譯舉人八名。蒙古繙譯舉人二名。

道光九年己丑科繙譯會試。取中滿洲繙譯進士三名。

道光十一年辛卯

恩科繙譯鄉試。取中滿洲繙譯舉人九名。蒙古繙譯舉

人二名

道光十二年壬辰

恩科繙譯會試取中滿洲繙譯進士三名

又壬辰科繙譯鄉試取中滿洲繙譯舉人八名
蒙古繙譯舉人二名

道光十三年癸巳科繙譯會試取中滿洲繙譯
進士三名。蒙古繙譯進士一名

道光十四年甲午科繙譯鄉試取中滿洲繙譯
舉人七名。蒙古繙譯舉人二名。

道光十五年乙未科繙譯會試。取中滿洲繙譯進士三名。蒙古繙譯進士一名。

又乙未

恩科繙譯鄉試。取中滿洲繙譯舉人六名。蒙古繙譯舉人一名。

道光十六年丙申

恩科繙譯會試。取中滿洲繙譯進士三名。

道光十七年丁酉科繙譯鄉試。取中滿洲繙譯舉人五名。蒙古繙譯舉人一名。

道光十八年戊戌科繙譯會試。取中滿洲繙譯進士二名。

道光十九年己亥科繙譯鄉試。取中滿洲繙譯舉人四名。蒙古繙譯舉人一名。

道光二十年庚子科繙譯會試。取中滿洲繙譯進二名。蒙古繙譯進士一名。

又庚

恩科繙譯鄉試。取中滿洲繙譯舉人四名。

道光二十一年辛丑

恩科繙譯會試。取中滿洲繙譯進士一名。

道光二十三年癸卯科繙譯鄉試。取中滿洲繙譯舉人四名。

道光二十四年甲辰科繙譯會試。取中滿洲繙譯進士二名。

又甲辰

恩科繙譯鄉試。取中滿洲繙譯舉人五名

道光二十五年乙巳

恩科繙譯會試。取中滿洲繙譯進士二名。

道光二十六年丙午科繙譯鄉試取中滿洲繙
譯舉人六名。

道光二十七年丁未科繙譯會試取中滿洲繙
譯進士二名。

道光二十九年己酉科繙譯鄉試取中滿洲繙
譯舉人四名。

道光三十年庚戌科繙譯會試取中滿洲繙譯
進士二名。

咸豐元年辛亥

恩科繙譯鄉試。取中滿洲繙譯舉人四名。

附載舊例

順治八年定。考試繙譯之考官。於初九日入貢院。出題考試。滿洲舉人止考一場。
又定。滿洲蒙古考試。能通漢文者。繙漢文一篇。未能漢文者。作清文一篇。

雍正元年。遵

旨議定。滿洲蒙古能繙譯者。三年之內。考取舉人一次。進士一次。鄉試會試。另立一場。於子午卯酉年。

二月鄉試。辰戌丑未年八月會試。

又獲准。繙譯鄉試。於雍正二年十一月舉行。會試於雍正三年二月舉行。

殿試於三月舉行。

又定繙譯鄉試。頭場將四書解義。易經解義。書經解義。性理精義。孝經衍義。大學衍義。古文淵鑑。資治綱目等書。限二百字內出題三篇。二場。

漢主考官或判論或表策自作二篇爲題三場
於入場後取現到通本一道爲題其所用通本
鄉試令順天府官赴通政使司親領封固送至
貢院門首交提調官轉送內廉監試主考官公
同開閱會試亦照此例由禮部官齎送
殿試題目或於古文及律詩詞賦等文內由內閣
奏請恭候

欽命餘俱照文

殿試例

雍正二年定繙譯鄉試照順天鄉試例於初九
日頭場十二日二場十五日三場

又奏准本年十一月鄉試取中繙譯舉八九名
並文舉人願就繙譯會試者據各該旗冊送到
部通共二十八名人數甚少或照原題於雍正
三年二月會試或俟取中舉人及情願入繙譯
會試之文舉人至五十名再行會試等因奉

旨六十名會試欽此

又定繙譯鄉試所有主考等官亦應照順天鄉

試例。於初六日入場。

又定。繙譯鄉試。彌封紅印。貢監生用皿字號。生

員用貝字號。筆帖式用聿字號。

又定。繙譯諸生。分別官民字號。

又奉

旨。考試繙譯舉子。俱係八旗內人。其繙譯好者。衆所共

知。卽字蹟亦最易認。伊等試卷。應行磨錄。其磨錄著

六部各衙門善書筆帖式內。酌量選取磨寫。欽此。遵

旨。議准。試卷既令筆帖式磨錄。應於部院官員內。派對

讀官三員。令兼管磨錄所事。鄉試行文吏部。咨

取筆帖式一百名。內派對讀二十名。

又定。繙譯鄉試。三場卷式。草稿磨清之處。照小

考定數。加一倍備辦。

又定。考試繙譯舉人。其堪中式之卷。呈

覽時。再行定額。仍備卷數本呈

覽。

又繙譯鄉試。將迴避硃墨卷進

呈。奉

旨發與主考官欽此。

又定發榜揭曉。俟主考定期。

又定繙譯鄉試榜文。兼寫清漢字。填榜之日。禮部派出筆帖式二員。一同入場填寫。

又定繙譯鄉試進

呈試錄內。該府尹職名。仍例爲監臨官。

又定編譯刊刻試錄內。除三場題目。仍用漢字外。其主考序文。及各官職名。中式舉人名次。俱兼寫清漢字。

雍正四年。繙譯鄉試。將迴避硃墨卷進

呈奉

旨知道了。不必迴避。將此卷發與場內揀選。以後八旗繙譯。總不用迴避。欽此。

又定蒙古鄉會試。與滿洲繙譯合爲一場。滿洲應試舉子。在東文場考試。蒙古應試舉子。在西文場考試。

又定蒙古繙譯會試題目。於清字

日講四書內。照漢文限三百字。爲首題。再用清文奏章

一道為次題。繙譯蒙古文二篇。

又定蒙古繙譯考試。取中舉人進士額數。令考官挑取中式之卷。並選備卷數本。一併進

呈。恭請

欽定。

又奉

上諭。考取蒙古繙譯生員舉人進士。在理藩院補用。欽

此。

雍正十一年。覆准繙譯考試。應照考試筆帖式之例。於內閣編次漢字

上諭內。恭擇一道。令其繙譯考試。再查繙譯科場。向係

日講四書一段。及新到通本一件。為題。今既添出

下諭一道。毋庸再以通本為題。

乾隆元年。議准御史舒赫德條奏。繙譯科場試

題數年以來。俱用

諭旨為題。有重複數次者。請於性理精義。小學。古文淵

鑑。資治綱目。諸書內。選擬為題。使考試之人。不

諭旨內。選擬日久。易於重複。自應酌量變通。但古文綱目。卷帙繁多。應請編譯鄉會試。令主考官於性理精義。及小學內。選擇數條。俱不得過三百字。密封進

呈。恭候

欽定爲題。其蒙古編譯鄉會試。亦於清文性理小學內。照例出題考試。

乾隆二年奏准。本年舉行

恩科編譯鄉試。明年二月。再舉行正科編譯鄉試。

又議准。翰林院侍講學士喀爾欽奏稱。考試編譯坐號。向來止編上數號。每號聚八九十人。實爲太多。又無專員稽查。不惟彼此通融。難免代倩更改之弊。且恐恃強生事之人。向人索文。多有滋擾等語。嗣後編譯鄉試。每一字號。分坐十人。會試每一字號。分坐三人。如應試人多。臨場按數分派。務須均勻。仍於各號口柵欄之前。令監試提調官。於舉子進立時。押入應生之號。俟時。察其非係本坐號子進舉。卽行封固。官

并不時巡查。

又議准嗣後繙譯鄉會試主考會同房官於性理小學每一題後括其大義總論數語令士子一同繙譯則記誦抄寫者無從揣摩而可以拔取真才矣。

乾隆三年題准繙譯鄉試已歷六科現在繙譯舉人約有百餘名又原議文舉人能繙譯者亦准入場合之繙譯舉人數實保衆多應於乾隆己未年八月舉行繙譯會試其會試事宜俱照定例辦理。

又定繙譯鄉會試屆期禮部行文各部院衙門並修書各館咨取繙譯出身官員仍令該堂官及總裁官擇繙譯明通之人出具考語開送禮部具題。

欽點。

又議准凡遇繙譯鄉會試除監臨監試等官照例開列。

欽點外再於御史內多點四員令其入場專司入號不

時密行巡察。倘諸生有彼此相商倩人筆削等弊。卽行拿究。交部治罪。

又議准。繙譯鄉試。內廉以硃墨卷並進。將墨卷亦行取閱。殊非慎重科場。遠絕嫌疑之義。嗣後繙譯鄉試。內廉止將擬取之硃卷進呈。無庸取用墨卷。至發榜時。始將墨卷共同按號拆名。會試亦照此例。

乾隆四年奉

諭。今年繙譯會試。取中二十二名。其優者以六部主事卽用。次者在主事上學習行走。該堂官照例題補。又次者。照滿洲進士例選用。內有現任者。卽在任候陞。不必出缺。欽此。

乾隆五年。會覆專管官學事務。來保等奏稱。伏查

咸安宮官學繙譯教習。經內務府奏准。由國子監考取助教三員。教習繙譯。但繙譯鄉會試例。考滿洲文論。查現在助教之三員。皆非繙譯舉人進士出身。於滿文論學。不甚諳練。學生等學習。

頁其擬

舉業。日資講貫。必得繙譯論學兼優之教習。朝夕督課。始可望其精進。查上科會試中式繙譯進士。除以主事卽用。主事試用人員外。尚有歸班候選進士九員。若於伊等內考取三員。在學教習。則伊等皆係繙譯論學兼優之員。於學務大有裨益。應移咨禮部。照例考取三員。送學充補。三年期滿。照漢教習之例。分別等第。帶領引列一等者。准其照例以主事卽用。擬列二等者。准其以主事試用。如進士內有現任筆帖式等考取者。仍給原俸。由閑散進士考取者。亦照漢教習例。每月給食三兩錢糧。其現在行走之助教三員。雖論學不甚諳練。但各俱黽勉供職。俟禮部考取繙譯進士咨送到日。將伊等咨送國子監。分發各學額外行走。缺出補用等語。查繙譯進士。係繙譯屢次考中。通曉論學之人。以之教習。自於生徒有益。應如所請。

咸

安宮官學繙譯教習。照漢教習之例。准以繙譯進士充補。但查現今歸班之繙譯進士九名。除

已經補用一名。丁裏一名。差往兩淮一名外。僅餘六名。今

咸安宮官學需用三員。尙應多備一二員。以爲將來頂補之用。現在人數適足相當。毋庸再加考試。應將現在繙譯進士六名。按其中式次序。先將三員咨送

咸安宮充補教習。俟下科繙譯會試。取中人數加多之後。再照漢教習例考試錄取。其充補教習員內。有現任筆帖式者。准其仍食原俸。如係閑散進士。亦照漢教習之例。每月給食三兩錢糧。俟三年期滿。該管官分別等第帶領引

見。至所奏擬列一等者。准其以主事卽用。擬列二等者。准其以主事試用。等語。查

咸安宮漢教習。乾隆元年。經禮部議覆內務府總管來保等摺奏。於新科進士內揀選充補。三年期滿。該總管分別等第引

見。或授爲主事。或授爲卽用知縣。恭候欽定。又乾隆二年。禮部議覆內務府總管來保摺奏。欽

見或以
欽定再

習三年上等者。以主事即用。次亦以知縣即用。較需次數年。始選知縣者。遲速懸殊。自當樂於從事。應仍照原奏遵行。毋庸另議。再查定例。通政司漢字知事。翰林院典簿。詹事府主簿。光祿寺署丞。國子監監丞。博士。典簿等缺。不論雙單月。先將滿洲兩散進士。挨科第名次補用。各等語。今乾隆四年中式繙譯進士。傅森布等俱著歸進士班照例選用。是此項繙譯進士。原係與文進士挨科第名次選用。通政司知事等小京官。與漢進士守候知縣者無異。充補教習三年期滿。銓用之處。應照漢進士教習之例。令該總管分別等第帶領引

見或以主事即用。或以小京官即用之處。恭候欽定。再查歸班選用之繙譯進士。內有福建等二員。係漢軍。今吏部奏明選用知縣。將該員充補教習。其期滿銓用之處。應於漢進士一例辦理。至所稱現在教習之助教三員。咨送國子監分發各學額外行走。缺出補用等語。查雍正十二年內

務府奏稱

咸安宮學生內既有稍知繙譯之人應請於原設教習清語騎射步箭之教習九員內扣除三缺改補繙譯教習三員照入旗考取助教之例由部考取助教三員令其教習繙譯清書今現在內學教習繙譯之助教三員既據該管官奏稱只能繙譯於論學不甚諳練但在學俱各勉勵供職查該員等俱係考試錄取各處助教均屬伊等應得之缺今既將繙譯進士充補教習該員等已屬無缺之員應將該員等撤回令其暫在國子監額外行走俟有國子監及盛京禮部助教缺出按到學日期先後補用乾隆七年大學士伯鄂爾泰奏准繙譯會試與文會試合為一場其試卷仍照例令各部院衙門筆帖式謄錄

殿試

欽

頒繙譯題一道一同

殿試即令滿洲讀卷官閱照例進

見恭候
簡用。

呈。分列甲第。二甲者照於二甲之後。三甲者附於三甲之後。一體填入金榜。帶領引。

又奏。維。繙譯會試。於文會試時。關中另編字號。合爲一場考試。照迴避卷例。請旨另派大臣閱看。擬定進呈恭候。

欽定中式。另出一榜。

乾隆十二年。議覆監察御史書昌湯聘奏稱。查繙譯鄉試。例用謄錄筆帖式百餘員。禮部咨行各衙門派送。但筆帖式等俱係各部院現在行走之員。一旦令其下同書手。爲應試之生。監人等謄寫試卷。似於體制未協。且各所僚官品級與筆帖式不甚相懸。礙難約束。如筆帖式以外。別無能寫清字之人。尙屬無可如何之事。今查各旗領催。約計不下三四千人。平日當差。無非書寫清字。照卷謄錄。勝任有餘。身係兵丁。約束

甚易。則領催之改充謄錄。最爲相宜。若云領催不諳文理。恐致謄錄舛錯。不知謄錄正因不諳文理。庶無改竄之弊。況謄錄之後。又有對讀校正。卽如文場會試。俱派各縣書手充當謄錄。若輩豈諳文理乎。應請將筆帖式充繙譯謄錄之處停止。遇繙譯鄉會試之年。禮部酌量需用謄錄之數。各行入旗都統。照數揀選清字熟練。守法安分之領催。派員送入貢院。與各縣書手一體先期入場。其對讀用筆帖式之處。仍照定例遵行等語。查文場鄉會兩試。俱用州縣衙門書辦充謄錄書手。而繙譯鄉會試。向來用各部院筆帖式爲謄錄。但各筆帖式在部院行走。皆屬有品級之人。內中多有從繙譯鄉試中式者。今令其入場謄寫試卷。於體制固未妥協。况筆帖式筆皆係能繙譯之人。亦恐有暗帶筆墨。爲舉子添改字句之弊。於防閑之法。亦未周密。應如該御史等所奏。將選取部院筆帖式充繙譯謄錄之處停止。遇繙譯鄉會試之年。禮部酌定需

用磨銀人數。行文八旗。於領催內揀選繕寫清字以及蒙古字熟練安分守法之人。造冊送部轉送入場。如八旗蒙古領催內能寫蒙古字者。乏人。卽於蒙古官學生內揀選補足其對讀用筆帖式之處。仍照舊例遵行。

乾隆十三年。御史金相奏准。會試迴避官生。與繙譯舉人試卷。嗣後閱卷官。務令在午門內東西朝房分閱。再請

欽點

御史各二員一體住宿。專司稽查。俟擬定進

呈之後。方許回私寓。庶防閑設而法制周矣。

又大學士伯張廷玉等議准。查繙譯考試。從前並未定有額數。是以歷科鄉會試中式舉人進士。多寡未免不均。今奉

諭旨。飭令臣等酌定額數。使考官得以遵循辦理。仰見聖明慎重科名之至意。伏查歷科鄉試。應考滿洲繙譯

者約五百餘名。或六百餘名不等。取中舉人或四十餘名。或五十餘名不等。通計有十名取中一名。亦有十一二名取中一名。應考蒙古繙譯

者約四十餘名。或六十餘名不等。取中舉人。或五六名。或八九名不等。通計係六七八名取中一名。各在案。查滿洲蒙古漢軍。每科應文鄉試者。約計五六百名。額中四十一名。滿洲繙譯自雍正年間。始行開科。應試者每多。取中者亦屬無幾。至乾隆二年。迄今五科。應試舉子。與應試文舉人數目。不相上下。而取繙譯舉子。無多於文舉人。伏思入旗進身之階。甚廣。不止於繙譯一途。如比文舉人額數較多。未免過濫。應照文舉人額數。每十名減去二名。共減八名。滿洲繙譯舉人額中三十三名。蒙古繙譯鄉試。如照文鄉試之額。每十名取中一名。似覺偏枯。若循例科中式之數。取中。又未免太濫。嗣後請將蒙古繙譯舉人額中六名。以上各額。如無佳文。應令考官遵照定例。任缺無濫。即將來人文日盛。取中之數。亦不得有逾定額。又咨准繙譯會試卷奉

午門朝房閱看所有飯食供應等項應例行順天府轉飭外委官照例備辦。

乾隆十六年奏定繙譯鄉會試請遵照文鄉試試開科

恩旨一

一體考試除繙譯會試應照原議於壬申年八月同文會試合爲一場考試外至繙譯鄉試因主考官監臨各所等官以及應試舉子人數衆多號舍房間俱不敷用未便合爲考試是以向例另立一場於二月舉行今文鄉試

欽定三月

其繙譯鄉試應請於二月舉行

乾隆十七年奏准繙譯會試各部院大臣除奉差外送到職名不敷開列應將滿洲京堂職名一併奏請

欽點。

又奉

旨迴避官生不必考試繙譯題目著主考官出其通場四書題仍照例請旨欽此。

又奏准本年八月繙譯會試恭遇

聖駕行圍所有擬取繙譯試卷應免其進

呈交與內廉官出榜

乾隆二十二年奉

旨八旗童生生員遇歲科考鄉試時傳其考試騎射由舉人考試進士時仍照舊兼議馬步箭伊等若馬步箭不好即將名扣除不准會試欽此

乾隆四十三年奉

上諭今年繙譯鄉試例應於八月考試但今秋啟鑾前往盛京繙譯考試甚屬緊要務於啟鑾之前考試方為妥協著交該部將繙譯鄉試改為七月初旬考試欽此

又奏准同考人員必須通曉繙譯方能拔取真才如派出在場閱卷有繙譯生疎棄取不當者應聽主考官奏議處

乾隆四十四年奏准繙譯會試專門巡察御史於三月初二日起前往貢院住宿稽察

乾隆五十二年奉

上諭向來滿洲蒙古繙譯鄉會試每屆三年將應否舉

行之處。請旨辦理。但旗人進身之途甚廣。並不專藉
繙譯。且其中亦未見出真才也。三年奏請考試一次。
爲期太近。嗣後每屆五年舉行一次。亦不必請旨可
行與否矣。欽此。

又奏准。查雍正三年二月。繙譯會試。經禮部以
人數甚少。或俟取中舉人。及愿入繙譯之文舉
人。至五十名。再行會試等因具奏。奉

旨。六十名會試。欽此。伏查乾隆五十三年。係應行繙譯
會試之期。據各該旗將應考舉人。造冊咨送到
部。共祇有三十八名。不足六十名之額。所有此
次繙譯會試。應請暫行停止。俟五年屆期鄉試
後。取中舉人漸多。足敷六十名之數。再行奏請
會試等因。奉

旨。知道了。欽此。

乾隆五十六年奏准。查繙譯鄉試。於乾隆五十
二年舉行後。至五十七年已屆五年之期。應照
例於八月舉行。但查五十七年係壬子科文場
鄉試。勢難同時。請改於七月內先行考試。庶與

文場不相妨礙。

乾隆五十七年奏准。繙譯鄉試人數無多。於初九日考試。即於次日交卷散出。稽察較為簡易。所有棘牆外巡察科道。應請

欽點滿洲科道二員。

漢科道二員。於考試日在棘牆之外。無分晝夜。輪流巡察。

欽點一員。

嘉慶二年奏准。本年八月舉行繙譯鄉試。所有應派監臨官。與順天文鄉試事同一例。應將滿洲侍郎以下。三品卿以上銜名。通行開列。恭請

又大學士伯和珅等。議覆御史羅善奏稱。繙譯同考官。近見各部院衙門保送者。總計不過十數人。而常經

點派。誠恐應試士子。易於揣摩。請嗣後該堂官。於保送

同考官時。總以過三次後。方准開送。並請

勅下各該衙門。遇有咨取同考官時。擇其通曉繙譯。去

多送一二員。其向不開列之內閣等官。及各館之纂修協修。身非科道者。亦著一體開送等語。

點派各

查繙譯鄉會試同考官例由各衙門揀選能通
繙譯者保送開列應開人員本自無多至蒙古
考官尤屬寥寥若再除去三科一十八名則人
數益少更易揣摩但該御史所奏係為防弊起
見應請嗣後凡遇繙譯考試年分令該輩官於
保送同考官時將上科甫經

館纂修協修請一體開列之處查內閣中書等
官原係可以閱卷之人自應多開數員以補各
部院之缺至各館纂修協修即係內閣及部院
人員兼辦均可由該衙門咨送毋庸另向各部
院咨取徒滋煩複

嘉慶七年禮部侍郎關槐面奉

諭旨

繙譯應試舉人查明現在實數多少欽此現據各

旗將應試舉人造冊咨送到部計四十二名本年
宗室繙譯鄉試取中舉人八名共五十名禮
部據實具奏請

旨奉

旨明年係屆繙譯會試之期。雖應試舉人不足六十名之數。但自乾隆五十三年以後。日久未經舉行。著加恩准於明年舉行繙譯會試。欽此。

嘉慶八年遵

旨議奏三月十七日奉

諭。向來繙譯鄉會試。照文鄉會試之例辦理。簡派大臣及執事官多員。以昭慎重。但此項應試人數無多。究與文闈春秋兩試有間。本日據繙譯會試考官程布奏稱。從前鄂爾泰曾經條陳。繙譯鄉會試請附春秋兩闈於頭場考畢後。將應試繙譯人等。隨同士子進二三場。另號局試。曾議准行。旋復照舊例。另場考試等語。繙譯鄉會試。歸併文闈考試。除添派試官外。此外毋庸另派多員。於一切支應較為簡便。而防範亦更周密。著禮部詳查此例。於何時准行。於何年停止。并嗣後遇有繙譯鄉會試。是否可以歸併文闈春秋兩試。及應如何酌定章程之處。一併妥議具奏。欽此。又於二十日內閣抄出。二十日刑部侍郎廣音等奏。繙譯鄉會試。前照科場之例。三年一舉。

一摺奉

有者交禮部一併議奏。欽此。當卽將乾隆七年以後。繙譯考試舊案。參互比較。擇其事而久行。而鄉會文場兩無妨礙者。酌議五條。敬呈

御覽。一鄉會年分。宜通融歸併也。舊例鄉會文場。皆三年一舉。而繙譯鄉會試。則五年一舉。彼此參差。難以歸一。茲公同酌議。原擬六年一舉。則與鄉會文場可以合併。今該侍郎廣音奏請三年一舉。雖恐或有額多人少之虞。但繙譯鄉會試。原無定額。如此照宗室試卷之例。祇奏現有之卷。令考官嚴行擇取。進

呈請

旨欽定中額。佳卷多則多中。佳卷少則少中。悉出聖裁。與鄉會文場。必足定額者。迥乎不同。斷無冒濫之事。而勤學三年。卽可期上進。亦更足鼓勵人才。應如該侍郎所奏。改爲三年一舉。如遇

恩科。亦一體

加恩。一號舍宜量爲區別也。考試繙譯之舉。子與文場

之舉子。事體各殊。若令同號而居。恐生別故。查
場中內龍門左右兩旁轉角之處。爲兩翼彈壓
副都統住房。貼近住房。各有小號三四處。如於
科場點名之日。先儘此六號坐繙譯舉子。俟點
完之時。各令彈壓副都統親身封號。以一員上
至公堂。照料八旗舉子。以一員卽在住房。照料
繙譯舉子之號。不使出號行走。庶舉子兩不
相混。彈壓亦責有所歸。一考期宜量爲挪移也。
測會試之弊。竇多在頭場。應試舉子。不諳規制。
錯亂者亦多在頭場。故外簾大小官員。於此三
日兩夜。皆晝夜巡防。刻不敢懈。難以兼顧其他。
擬請仍照舊例。原議於會試二場。照進繙譯
之頭場。會試三場。照進繙譯之二場。至明天鄉
試頭二場。人數衆多。繙譯祇考一場。所有應試
士子。應請於三場點進於考武繙譯舉子。無妨礙
而巡防得以旋領責於房。更有裨。一則恐宜酌
復舊制也。鄉會試與武繙譯。各在兩翼。房
官但內簾考官俱係官員。分在兩翼。不過一

更無可容。繙譯考官之屋。若令住居外簾。尤難
以關防。諸多未便。查乾隆七年議准。繙譯試卷
照迴避卷例。請

旨另派大臣閱看。擬定封進。恭候
欽定中式。是繙譯試卷。比照進士

殿試

朝考一體辦理。原有舊例。擬請每科繙譯完場後
與宗室試卷。由監臨知貢舉封固。送交軍機處
請

旨特派大臣校閱。鄉試人數較多。照

殿試例。在

文華殿閱看。會試人數較少。照

朝考例。在

內廷閱看。庶與科場考官。兩不相礙。一關防宜有

分別也。凡

內廷閱卷。如

聖駕進宮。多在

南書房。如

聖駕到國則多在

正大光明殿東配殿俱

禁鎖森嚴可不必再加防範惟

文華殿閱卷則地在外廷且須住宿二三日關防不可不嚴擬請

欽點滿洲御史二員漢御史二員以二員住宿

文華門內左側

文淵閣班房其右側一間向係茶房居住乃日用必需不能移出亦卽令稽察管束不得任意出入所有

文華殿左側一角門亦令兼管以二員住宿

傳心殿南犧牲房其東西二角門及北通會典館

之夾道小角門均令稽查至

文華殿前門原有護軍把守後門非遇

經筵不開且門外卽護軍班房應卽令值日之護

軍統領晝夜巡視毋庸另派大臣庶責成各有

專歸而規制益爲嚴密

又奏准一外簾官吏宜分別酌派也查繙譯鄉

欽點

二員

令其屆期承領試卷在閱卷處專司收發俟

試卷進

呈

揭曉後將落卷點明數目鄉試移送順天府會

試移送禮部俟士子來領散給至國中書院各

處有承辦事件不能分出兼辦繕譯試卷應於

各部院所送掣籤經承內多掣四名入場場畢

亦照例留於場內庶事有專責而闕防亦可周

會試歸併文場考試所有承辦場務之監臨知貢舉提調及搜檢王大臣監察巡綽等官文場派有專員自可毋庸另派惟場內受卷彌封等官漢員居多不諳滿文難以辦理應請嗣後另派部院滿洲官二員專辦繕譯受卷彌封事務彌封既畢即將紅號簿同試卷一併封固鈐用監臨知貢舉開防委員送軍機處至閱卷時恐姓名紅號此二員業已全知或有洩漏應照各外簾官之例俟外簾事畢同出所有收掌試卷應於奏派閱卷大臣時併將部院所送滿洲官員名單一同呈請

密。一鄉試錄科。宜歸併考試也。查向例繙譯鄉試錄科。由禮部奏請。

欽

派大臣。在貢院考試。如適值繙譯童試之年。則歸併

一場辦理。今鄉試三年一舉。而童試則三年兩考。若俟童試兩考後。另作一場錄科。徒滋糜費。應請嗣後於歲試年分。仍照舊考試繙譯童生。外其科考年分。應考繙譯童生。即歸併錄科一場辦理。所有繙譯錄科試卷。交考試繙譯童生之閱卷大臣。秉公選取。分別等第名次。交禮部出榜曉諭。以歸簡易。其新進童生。仍照例一體入場。一考試供應。宜分別酌辦也。查向例繙譯鄉會試。供應一切。應用銀兩。鄉試由大興宛平二縣承辦。會試由禮部另派提調官辦理。今既歸併文場考試。自毋庸另派承辦之員。應照文場供應之例。交順天府一體置辦。其增添官員書吏。仍按在場日期。照例供給。事竣核銷。至內廷閱看。自毋庸預備飯食。其鄉試在

欽

派

閱卷大臣。會試卷較少。一日即可竣事。且在

文華殿閱卷必須住宿二三日。所有每日供應及官吏人等飯食應請照乾隆十三年咨准之例行令順天府轉飭委官備辦。

嘉慶九年覆准一本年八月繙譯鄉試歸併文闈其祇領宗室并八旗士子各題目並彌封時截印紅號及奏請

欽定各中額均應各照舊例辦理一繙譯題目交主考

一併刊刻其謄寫題目之筆帖式應照例由禮部先期派出滿洲筆帖式二員入場謄寫題紙刊刻後十六日隨舉子出場一繙譯鄉試試卷既由監臨封固送交軍機處請

旨特派大臣校閱其恭遇聖駕行圍應否毋庸進

呈之處自應由

特派大臣辦理順天府不必具奏仍先期知會軍機處

臨期轉咨

特派大臣一繙譯試卷由監臨封固送交軍機處請旨特派大臣在

文華殿閱看畢。卽在闕卷處填榜。仍先期知照順天府。於是日帶印至真榜處。眼同鈐榜。其進呈題名錄。亦卽在填榜處繕寫。一滿字榜文。由禮部派出謄寫題紙之滿洲筆帖式二員繕寫。其蒙古字榜文。照例另派蒙古筆帖式二員繕寫。其宗室榜張掛宗人府。八旗榜張掛順天府。仍照科場舊例行。

又具奏繕譯鄉試恭遇

聖駕駐蹕熱河軍機大臣俱已隨往。所有場內送出之宗室八旗士子繕譯試卷。似應請交留京王大臣驗明印封。奏

派大臣校閱。惟查應試士子。於八月十六日出闕。若俟十五日發報奏

派十九日方能報回。彼時士子出闕業已二日。難保無囑托夤緣情弊。應請

旨飭交留京王大臣將應行開列銜名。於十一日先行具摺奏

派十四日報回宣

旨後卽令
派出各員在

文華殿住宿關防以昭嚴密其監試御史及收掌
試卷官員由禮部同日附報具奏等因奉

旨依議欽此

又覆准本年繙譯鄉試併歸文闈考試所有

文華殿閱卷大臣及收掌試卷官其子弟宗族姻
戚等有應繙譯鄉試者皆應照例迴避但奏派
閱卷大臣及收掌等官于十一日發報具奏十
四日報回宣

旨後始能開單知照而是日繙譯鄉試士子已在文鄉

試士子進三場之前先行點進如有應行迴避
者自應令其出場查向來文場遇有患病貼出
者雖已經點進但未封門皆准放出今繙譯鄉
試遇有迴避士子自應照此辦理應先行知照
搜檢王大臣外場巡察御史外監試御史至公
堂提調務俟禮部將

派出閱卷大臣及收掌試卷官應迴避之子弟宗族姻

成開單知照到時卽行扣除如有業經點進者亦卽知會至公堂令其出場

嘉慶二十年議覆御史特通保條奏繙譯鄉會試各衙門保送同考官章程一摺內稱繙譯鄉會試同考官仰懇

飭下各部院衙門

務將本衙門由繙譯科甲出身精通

繙譯之員中擇其人品端謹者平素細心考覈屆考試之年該堂官等公同保送如有棄取不公情弊不惟將同考官查叅並將保送之堂官一併處分等語查例載繙譯鄉會試同考官由禮部咨行各衙門揀選會考清漢蒙古文出身精通繙譯滿洲蒙古文藝者保送密封具題倘有繙譯生疎棄取不當者聽主考官查叅議處蓋因繙譯科甲人數無多而別項考試繙譯出身精通文藝者亦不乏人是以歷來辦理繙譯科場無論科甲及別項考班俱行咨取今該御史所奏專用繙譯科甲出身人員係爲慎重考校起見應請嗣後繙譯鄉會試各取同考官時

各該衙門有科甲出身精通繙譯者自應先儘開送如繙譯科田一時不得其人再將別項會考清漢蒙古文出身精通繙譯之員仍照向例一體開列具題恭候

欽點惟應責成各該衙門堂官務須公慎遴選人品端謹實係精通繙譯者始行保送如有繙譯生疏以致棄取不公除將同考官查叅外並將保送之堂官一併議處

嘉慶二十三年奉

上諭福漳阿奏請嚴繙譯考試一摺考試理宜嚴密繙譯考選清文自應鑒拔真才以收實用該御史所奏繙譯房官開送不公應試士子於派出考官後私行囑托此等弊竇實不能保其必無嗣後繙譯房官各衙門務遴選繙譯明通之員去送不得以清文平常者濫行充數至聽宣時該士子等本不應前往午門窺伺探聽如有在午門與考官交接者卽著稽察御史指名叅奏並著步軍統領衙門派員查察以杜弊端欽此

道光二年。禮部具奏。本月十八日。宣

旨。刑部主事富通阿。

充繙譯鄉試同考官。十七日。據刑部咨稱。主事富通阿。現在丁憂。不能聽宣等因。今該員不克入關。應照例奏明。交主考官。令同考官通融辦理。

附載較案

乾隆六年。議覆御史曠柱奏稱。查繙譯場內。簾其中工匠。厨役。備辦各項。需用多人。在官員各有職司。不暇管攝。而若輩紛然雜處。不但任意偷安。竊恐乖間壞法。請嗣後委一專員。在內管理約束等語。查科場至公堂等處。俱有委官。而內簾之未經設立者。正所以嚴密關防之意。卽如文場鄉試會試。所有房考十八房。跟隨僕從。以及書役人夫。較繙譯鄉試實多數倍。從不聞因管攝乏員。遂致偷安壞法。況內簾現有監試御史。諸務俱可稽查。儘足彈壓。應將該御史所

奏另派內簾委官之處。毋庸議。又奏稱送進荷
卷筆蹟或潦草不勻。字句復舛錯不一。房官閱
卷有謂此卷前後俱好。惜其幾處不妥。想必謄
錄錯誤。然限於定例。不便提卷查對。將卷棄置
以致屈抑人才。請嗣後若有字句可疑之卷。房
官公同內簾監試。到至公堂後封鎖之處。將門
暫開。不許出入。令外簾查出墨卷。高聲對讀一
遍。倘有差錯。即可改正。以定去取。外簾查明何
人謄錄對讀。卽指明題叅議處等語。查八旗繙
譯試卷。係禮部行文吏部。派出各部院衙門善
書之筆帖式。入場謄錄。並另派對讀二十餘名。
共勦其事。如殊卷內謄寫草率。責之謄錄。字句
訛錯。責之對讀。倘有不遵。查出將該所官一併
叅處。立法已屬周詳。至內簾閱卷時。如果有謄
寫遺漏之處。按諸上下文義。顯然可見。在文場
原有考官抹出。仍憑文去取之例。繙譯科場。自
可照例遵行。若每逢一卷。見有可疑。卽令外簾
查出墨卷。開門對讀。則內外屢通。關防不謹。不

特徒滋煩瑣。亦恐致生弊端。應將該御史所奏
毋庸議。又奏稱。查繙譯條例諸式。與文場無異。
獨副榜一條。尙未議及。雖取中原無定額。而選
取進

呈。亦有備卷。乃其上者登之正榜。其次者卽遭擯
棄。似覺可惜。請嗣後亦照文場之例。將所取備
卷。列爲副榜等語。查各省文場中額。因其限有
定數。誠恐美不勝收。是以設有副榜。以免遺珠。
若繙譯舉人。旣無一定額數。主考官臨場視人
數之多寡。繙譯之工拙。以定去取。則熟諳明通
之卷。自不致有屈抑。何必再立副榜。應將該御
史所奏。毋庸議。

嘉慶二年。大學士伯和坤等。議覆御史繼善奏
稱。定例繙譯鄉會試中式試卷。揭曉後恭呈

御覽。如遇

巡幸。則止進試錄。不進中卷。請嗣後恭遇

巡幸。將中式試卷。一體進呈等語。查本年繙譯鄉試。恭遇

聖駕巡幸。經順天府將試卷應否進

呈之處具奏奉

旨不必進呈。欽此。是此次試卷係奉

旨免進。並非定例。必不進

呈。且丈鄉會試恭遇

巡幸。其試卷應否進

呈。亦係具奏請

旨。與繙譯鄉會試事同一體。自當仍照舊例。臨期奏請

欽定。應將該御史所奏。毋庸議。

嘉慶十五年覆准。本年繙譯鄉試。鑲白旗滿洲送到冊內。有九品天文生嵩桂一名。查例載九品筆帖式不准鄉試。其九品天文生。既不由貢監生員出身。即與九品筆帖式無異。且繙譯鄉試。均係比照文鄉試之例辦理。今順天鄉試。由俊秀充補之天文生。向來並無准其錄科成案。所有九品天文生嵩桂。並非由貢監生員出身。應一體不准鄉試。

又覆准。內閣移送同考官中書文山。聲明本年

欽點

繙譯鄉試錄科並考繙譯童生同考。此次繙譯鄉

試同考是否合例之處。應聽嚴辦等因。查本年

繙譯鄉試同考官。已敷開列。中書文山。既係繙

譯錄科。並考繙譯童生同考官。應卽於繙譯鄉

試同考單內扣除。

又據鑲黃旗滿洲文生員覺羅寶昌呈稱。於本

年春季送名文鄉試。經兵部奏請

欽派王

大臣看過騎射。茲因胞兄寶興。

欽點順

天鄉試同考官。例應迴避。不能進場。今情願補

應繙譯鄉試等情。具呈到部。查繙譯鄉試。應由

兵部考試騎射。現在繙譯錄科。均已考竣。不及

再考。至騎射一節。當經片查兵部。據覆繙譯鄉

試騎射。已於六月間奏請

欽派王

大臣考試。考竣後卽將實在考過人數奏明在

案。文生員覺羅寶昌一名。曾經考過文鄉試騎

射。其繙譯鄉試騎射。不及再考。無從補入等語。

是繙譯騎射事竣。已難列入。且繙譯錄科。係用

繙譯試題。與文鄉試錄科文字迥別。此時亦不

見奉

及補考所有文生員覺羅寶昌呈請改應繙譯
鄉試之處應不准行
又覆准據鑲紅旗滿洲都統將辛未科文會試
之舉人舒昌阿等造冊咨送到部查冊內堆罷
佐領下庚子科文舉人蘇勒通阿由知府降調
筆帖式查例載知縣才不勝任或由現任奏改
教職或因初選引

旨以教職改用既經督撫考察
聖明鑒定非可將民社之才似亦不可以文字之工再

中進士仍歸知縣之班銓選請嗣後此等人員
俱不准其會試等因今鑲紅旗滿洲文舉人蘇
勒通阿係由知府降調之員事同一例應不准
其會試

嘉慶十六年覆准據吏部將司務春禧奏工部
將司務崑山各開送繙譯會試外簾官到部查
司務向不開列外簾應行扣除

嘉慶二十年議覆御史特通保條奏內稱屆考

試之年。咨取同考官時。該堂官等公同密定。將保送之員。親書銜名。封送禮部。於具題前三日。拆封等語。查繙譯鄉會試。俱係據各衙門咨送人員到時。膳寫清單。照例密題。傳齊開列人員。恭候

命下。拆封宣

旨。卽日入闈。防範已爲周密。若如該御史所奏。令該堂官等親書銜名。封送禮部。臨期拆封。繕寫清單。具題。仍須知照各衙門。傳令各該員聽候宣旨。亦與具文咨送者無異。自不必於成例之外。多事更張。該御史所奏。應毋庸議。

嘉慶二十四年。奉

旨。禮部議駁御史保福奏請添繙譯鄉會試膳錄一摺。所駁甚是。繙譯試卷。與漢文試卷不同。筆蹟本難認識。且膳寫點畫稍訛。卽於文理有礙。乾隆年間。曾經奉

旨。祇須彌封。無庸另行膳錄。著爲令。此時若仍用入旗領催入場充當膳錄。該領催等。不盡通文義。徒滋訛

錯亦於防弊無益。現在繙譯鄉會試已照文開一律覆試。自可拔取真才。其添設膠錄一事仍不准行。欽

此

道光元年。咨覆正紅旗滿洲都統咨。吏科筆帖式色拉布。情願再應繙譯會試等因。查定例。八旗舉人。曾任知縣等官。有題參降調。以筆帖式改補者。不准再行應試。今正紅旗滿洲色拉布。前由繙譯舉人。考取助教。後緣事革職。復經揀選廢員。現補吏科九品筆帖式。卽與題參降調無異。所有吏科九品筆帖式色拉布。應不准其應繙譯會試。

道光十一年。順天府府丞咨。鑲白旗漢軍德明。由武生考中。騰錄官。議敘筆帖式候補。應否准其鄉試。查候補筆帖式德明。由武生出身。議敘筆帖式。未便准其繙譯鄉試。

道光十二年。片。覆鑲紅旗蒙古都統咨。稱繙譯生員額勒和泰。係由印務領催考中。業經請補繙譯鄉試在案。今補放驍騎校。可否准其繙譯

鄉試等因。查該員已補放驍騎校。與尙未補缺者不同。所有呈請仍應繙譯鄉試之處。未便准行。

道光十四年。劄覆順天府咨呈稱。本年繙譯錄科並考繙譯重生。據各旗將應考繙譯人員造冊咨送前來。查冊開候補中書潤琦。報考繙譯生員。該員係官學生。考中候補中書。查中書一項。例准考試繙譯鄉試。惟例內並未載有候補字樣。今潤琦應否准其考試。繙譯生員或應准其繙譯鄉試之處。應咨呈禮部示覆等因。查科場條例內載。不由貢監生員出身之現任七八品筆帖式小京官。准其繙譯鄉試。今潤琦係候補中書。並非現任。亦非貢監生員出身。自未便准應繙譯鄉試。

道光二十四年。准廣州將軍咨稱。駐防改試繙譯。所有候補筆帖式。係食錢糧之人。可否隨同繙譯生員及文生員貢監生等。一體均應繙譯鄉試之處。呈請指示等因。查候補筆帖式。不由

貢監生員出身者本部例內並無准應繙譯鄉
試明文該將軍所咨可否准其繙譯鄉試之處
應毋庸議

繙譯

駐防繙譯鄉會試

現行事例

一各省駐防繙譯鄉會試三年舉行一次鄉試
一場會試兩場如遇

恩科亦一體

加恩

一駐防繙譯生員舊進文生員貢監生等俱專
試繙譯不准應文闈鄉試由該將軍副都統城

字尉等。先看騎射合式者。再行錄科。

一各省駐防繙譯錄科。滿洲用漢文題一道。令繙清文。蒙古用清文題一道。令繙蒙古文。鄉試之年。於三月前。先考繙譯錄科。後考繙譯童生。均黎明入場。日入出場。不准給燭。由該將軍等出題考試。錄科後。卽將錄送之卷。並題目紙解部。以備覈對筆跡。其新進各生。無須錄科。卽由該將軍等。驗看騎射合式者。徑送鄉試。

一各省駐防。原設廩增各額。應以次裁撤。前已

補廩補增。應仍作爲廩增生。俟出缺後不必頂補。歲科兩試。毋庸該學政考試文藝。遇繙譯鄉試之年。卽由該將軍副都統城守尉等。錄科送考。

一各省駐防繙譯鄉試士子。應由該將軍副都統城守尉等。錄科後。卽造具各該生年貌等冊。並駐明滿洲蒙古漢軍旗分佐領字樣。徑送藩司造辦點名各冊。

一各省駐防繙譯舉人會試。均由禮部先期行

取於上年五月。行文各該駐防將軍都統副都統城守尉防守尉防禦等。於文到日。查明所屬應試士子人數。詳細開註滿洲蒙古漢軍字樣。並旗分佐領年貌三代。造具清漢名冊。備文分送在京各該旗。覈實送部。照在京八旗士子考試例。一體會試。其應給該舉人等進京水腳銀兩。仍照各省舊章辦理。

一各省駐防文舉人。繙譯舉人。俱專應繙譯會試。不准應文闈會試。

一各省駐防繙譯試卷均照京旗辦理。其卷式原滿尺

寸詳載繙譯鄉會試門。由該布政使司造辦令該士子前

期十日投卷親身書寫卷面填明年歲及滿洲

蒙古漢軍佐領並註明應滿洲繙譯試或應蒙

古繙譯試字樣鈐用印信關防以杜弊混。

一各省駐防繙譯鄉試各歸本省俟該省文闈

士子三場完竣後於十七日點名入場十八日

發題考試十九日出場所有試卷無論已完未

完均由該省監臨司固鈐用關防專差送部。

一各省駐防繙譯鄉試題目與京旗同。惟論題文題由禮部於題

派該省文鄉試考官本內夾片聲明均請

欽命再由禮部行知

派出之該省考官於起身前一日親赴軍機處恭領帶至該省內簾嚴密收存屆期面交該監臨候試日點名以後拆封刊刻如關防不密至期稍有漏洩者惟該監臨是問其題紙隨同試卷解部以備查覈

一蒙古繙譯。惟蒙古人方准考試七八名取中
一名。各省蒙古駐防。有願應蒙古繙譯之人於
奏請

欽命滿洲繙譯題目時聲明將蒙古繙譯題目一併
由

派出該省之考官赴軍機處恭領帶往。如該省考蒙
古繙譯之人臨場或不足取中之額。其蒙古繙
譯題目毋庸拆封。與已拆封之滿洲繙譯題目
由該監臨一同賁回恭繳

奏事處。

一各省駐防緝譯鄉試之年。由該將軍等錄科後。預將滿洲蒙古緝譯鄉試報考人數。於三月全行報部。於題

派考官本時。將應否請題夾片聲明。如逾限不到者。由部查明奏處。

一各省駐防緝譯鄉試。應派佐領二員。於十七日入場彈壓。如無佐領處所。酌派防禦一員彈壓。

一各省駐防繙譯鄉試。由該將軍等。預派隨印
筆帖式一二員。於十六日文闈士子出場後。卽
行入場。以備繕寫題目。如該將軍等衙門。寫遠。
卽就近由督撫衙門。派筆帖式一員入場。俟繙
譯士子出場後。方准該筆帖式出場。以慎關防。
一各省駐防繙譯鄉試。人數較少。聞中執事各
官。由監臨於文闈入場官員內。酌留數員。接辦
繙譯吏役及一切巡察事宜。亦由該監臨酌量
辦。理。

一各省駐防繙譯鄉試由該將軍副都統城守尉等出派叅佐領等官數員臨場識認如無佐領等官卽酌派協領或防禦驍騎校等識認如該旗應試各生僅止一二名卽交別處派出之員代爲識認

一各省駐防繙譯鄉試中額每十名取中一名過半者增中一名至多不得過三名以示限制
一各省駐防繙譯鄉試完竣卽於次日由監臨將試卷派員起解限五十日內通行解部如逾

限不到者。由部指名奏處。

一駐防繙譯鄉試卷。俟各省到齊後。禮部奏

派閱卷大臣。在

午門外朝房。公同校閱。擬定名次。卷面粘貼黃簽。
卷尾用墨筆填寫名次。進

呈後。交禮部開拆。彌封填榜。鈐蓋堂印。交兵部飛
遞該省旗營張掛。其中式卷交禮部收存。至閱
卷及執事人等。一應供給。劄光祿寺備辦。

一各省駐防繙譯中式舉人牌坊銀兩。照從前

旗生應文鄉試例。本省給發。其筵宴金花杯盤
衣頂等項。毋庸備給。

一各省駐防繙譯中式舉人。於會試前一月。令
其來京。由禮部奏請。

欽定日期在

殿廷覆試。其中式原卷。卽由

派出之閱卷大臣覈對文理筆跡。覆試後。由禮部咨
送兵部驗看騎射合式者。方准會試。如實有患
病等項事故。不能覆試者。照順天文鄉試之例。

以下三科爲限。補行覆試。備三科內並未覆試者。顯係規避。永遠不准會試。亦不准赴吏部餘選。駐防繙譯會試。中式進士。與京旗中式繙譯進士。一體覆試。

一各省駐防舉人應繙譯會試。仿照京旗奏請中額。另開駐防繙譯舉人應試人數清單。恭請欽定駐防中額。以示鼓勵。

一駐防滿洲繙譯會試人數。足七八名方准入場。試卷彌封處。另用駐防字樣戳記。擬取中卷。由考官與京旗滿洲繙譯憑文高下。統論名次。

先後卷面黏貼黃簽。卷尾墨筆填寫名次。進呈其榜文。

御錄。卽歸入京旗滿洲繙譯會試士子內。一體填寫。惟註明駐防字樣。

例案

道光二十三年奉

上諭各處駐防俱著收應繙譯考試等因。欽此。案詳駐防繙譯

童試門議准各條註

載本門現行事例

又准山西巡撫咨稱。接准部議。駐防收試繙譯。

章程等因。隨經移准。發遣城將軍等。酌定晉省
駐防。改應繕譯事宜。謹擬數條。咨部核覆等因。
查來文內開。一。晉省繕譯鄉試。應由太原城守
尉辦理。惟該城並未設有佐領。應酌派防禦一
員入場壓彈。一。考試題目。請派巡撫衙門筆帖
式一員入場繕寫。一。駐防士子。卽由綏遠城將
軍派防禦二員。太原右衛城守尉各派驍騎校
一員。帶領來省。送場識認。如該旗應試各生。僅
止一二名。卽交別處派出之員。代爲識認。一。繕

譯試卷事屬創始。應請部頒式樣。以便照式委造。一駐防中式舉人後。由部發到榜文。已逾筵宴之期。其杯盤衣頂牌匾等項。應請毋庸備給。至花紅坊牌等項銀兩。仍循舊辦理。一繙譯士子人數無多。擬請毋須於外點名處查點。餘照文闡例辦理。一繙譯士子。應由該將軍城守尉等。先看騎射。並錄科後。卽造具該生等年貌等冊。並註明滿蒙旗佐等字樣。徑送藩司造辦。點名各冊。一繙譯鄉試受卷等所官及吏役人等。

均令文闈之員役兼辦。其內場巡綽官。於向例留場之外。再留一二員。並守舍軍丁數名。又場外查察監搜搜檢官役。均於文闈內留爲接辦。各等語。以上八條。均如所擬辦理。

道光二十四年片行軍機處。本年甲辰

恩科鄉試。所有各省駐防。均改試繙譯。應於題

派正副考官本內聲明有無駐防。並先行開單知照軍機處。

又本部酌准駐防舉人。應繙譯會試者。另居西

必場考試照八旗宗室之例。每號分坐三人。至
辦理坐號之處。劄行順天府。博飭大宛兩縣。先
期酌備。

又覆准。各省駐防文舉人。改應繙譯會試。應另
請中額。其紅號應循照京旗編列之號。各添駐
防二字爲式。

又移覆至公堂。繙譯會試駐防士子。既足八名。
自應另請中額。其卷面黏貼黃籤。卷尾填寫名
次。應與京旗式樣相同。所有取中名次。亦應與

京旗統論文字。校論先後。無庸另擬駐防名次。

榜文

御錄。自應歸入京旗滿洲繙譯會試士子內一體填寫。
仍註明駐防字樣。

又奉

上諭。此次禮部題派廣東福建考官。照奏定章程。請將
該省駐防繙譯鄉試題目。隨本發下。現在廣州駐防。
呈應繙譯鄉試者人數無多。業據該將軍等奏明展
限。其福州駐防繙譯鄉試題目。著該部行知派出之

該省考官於起身前一日親赴軍機處恭領帶至該省內簾嚴密收存。屆期面交該監臨俟試日點名以後拆封刊刻。如關防不密致前期稍有漏洩者。惟該監臨是問。此次各省繙譯鄉試應領試題均著照此辦理。仍著該部隨本聲明。欽此。

又奉

上諭。前據裕誠等奏駐防試卷多不合式。不敢率行取中。當降旨令將文理尚可者四卷進呈候旨。茲據該尚書等酌選呈覽。朕詳加校閱。實係不能合式。惟念

該舉人等。初次改試繙譯。誦習未久。體例尙疎。若概從擯斥。未免阻其登進之心。特於四卷中。酌取一卷。令與京旗試卷一體取中。此係朕格外從寬。勉強節取。嗣後各該舉人。必當勤加練習。以期日益精通。用副朕敦本崇實。諄諄誥誡之意。倘仍狃於積習。視若具文。下科會試時。仍復不能合式。必當一律擯棄。勿謂寬典可濫邀也。將此通諭知之。欽此。

又奉

上諭。李星沅奏。陝甘駐防所取繙譯童生試卷。送部後。

據禮部咨開。應俟彙齊奏請磨勘。是該生等照例不
應鄉試等語。本年各省駐防。改應繙譯鄉試。事屬創
始。所有西安寧夏駐防。既據該將軍等。各考取繙譯
童生五名。已合每十名取中一名之數。無庸俟磨勘
後始行鄉試。卽著該撫於文闈事竣。酌定繙譯試期。
照例考試。倘應試各生。因道途窵遠。一時未能到齊。
試期並著稍從展緩。如展期後。應試人數。仍不足十
名。著卽具奏停止。欽此。

又奉

上諭李星沅奏陝甘駐防繙譯鄉試請再展期一摺。西
安寧夏繙譯各生現止九名應試其績經送部之涼
州莊浪考取繙譯各生自應一律准其合考。惟據稱
歲晚路遙應試各生恐難刻期而至著照所議將試
期展至來年二月十六日舉行以示體卹。欽此。

又本部具奏本年甲辰

恩科四川駐防繙譯鄉試試卷經部奏請

欽派大臣公同校閱取中茲據閱卷大臣理藩院尙書

吉倫泰等擬定名次黏簽進

呈。交部辦理。除開拆彌封填榜鈐印交兵部飛遞
該省旗營張掛外。謹將取中三名名次抄錄恭
呈。

御覽奉

旨依議。欽此。

道光二十五年本部具奏申辰科四川駐防繙
譯鄉試中式士子覆試一摺奉

旨四川成都駐防中式繙譯舉人著於本月十七日在
正大光明殿覆試。欽此。

（道光二十六年准戶部片稱准湖北巡撫咨各省駐防文生改應繙譯新中之牌坊及會試之長夫銀兩是否援照旗生文鄉試例仍在本省給發抑或由京支領又從前駐防文生中式後一體赴本省鹿鳴筵宴辦有頂帶牌匾等事今繙譯由京取中所有各物應否製備咨部示覆應行禮部核議等因查駐防繙譯鄉試其中式之牌坊及會試之長夫銀兩仍照從前旗生應文鄉試例本省給發其中式後頂帶等項應照

京旗之例毋庸備給。

又奉

上諭。此次覆試丙午科各省駐防繙譯鄉試舉人。考列二等之佛爾國春等五名。考列三等之伍忠阿。俱著准其一體會試。考列四等之發林阿。著罰停會試一科。欽此。

道光二十八年。准成都將軍咨稱。駐防文武舉人。遇有丁憂起復。俱逐案咨報部。旗文武生員。丁憂起復。僅咨本省學政。茲駐防旗人。改試繙

譯其從前取中文生及繙譯生員遇有丁憂起復事故或逐案咨報或歲科考試完竣稟報之處咨部示覆等因查學政全書內載舉人遇會試年正二三等月丁憂起復者隨時專咨報部其在四月以後者歸年底報部貢監生於鄉試之年丁憂起復在七月以前者於七月內卽行報部在七月以後者歸於年底彙報等語所有成都駐防從前取中文生及繙譯生員遇有丁憂起復事故自應一體遵照辦理。

又准福州將軍咨。明歲係己酉科鄉試之期。現在福州駐防錄科。堪應繙譯鄉試生員十二名。新進繙譯生員四名。合計十六名。應否舉行繙譯鄉試。咨部示覆等因。查例載各省駐防繙譯鄉試中額。每十名取中一名。過半者增中一名。等語。今福州駐防應考繙譯人數。已至十六名。自應准其舉行繙譯鄉試。

又准福建巡撫咨稱。閩省改試繙譯初次舉行。一切事宜。自應明定章程。以免臨時周章。茲參

覈例案。合擬十條。開。一。清摺。各部覈覆等因。查
原文內開。駐防文生員。雖未奉請。亦未指明不
准應試字樣。請一體應繙譯鄉試等語。不知本
部原議章程內載。生員改爲繙譯鄉試。卽指文
生員而言。所有該處原取文生員。自應與駐防
貢監暨繙譯生員。一體准試繙譯。又繙譯鄉試
識認官員。原係指派叅領福州旣無此項旗員
請改派協領二員等語。查部議京旗鄉試。由該
旗派叅領等官識認。各省駐防亦應派委數員。

識認並非專指恭領一項。該省既無此項旗員，卽應以協領臨場查認。又稱繙譯試卷宜定價銀，及委員解卷酌給盤纏場內官役添備飯食等項。本部均另行知照。戶部酌覈辦理。至花幣牌坊銀兩，據稱照閩省新中文武舉人一體給發，亦應由戶部查明該省文武鄉試向來辦過章程，各覆該撫遵行。惟金花杯盤等銀一節，曾於道光二十四年經山西巡撫咨明繙譯榜文到省。久逾筵宴之期，所有杯盤衣頂等項毋庸

備給。今閩省自應援照成案停止以歸畫一。其餘各條均如所咨辦理。

又覆准。據浙江巡撫咨稱。本年己酉科浙江駐防繙譯鄉試考試完竣。應行恭繳。

欽命題目二道。又據湖北漢陽縣巡檢潘箴呈稱。奉委齋呈軍機處公文一件。恭繳。

欽命繙譯題目二道到京。赴軍機處投遞。蒙諭此件向不接收。又據翰林院侍讀楊式毅取結呈稱。奉命派出廣東鄉試考官。差竣齋回。恭領。

欽命繙譯鄉試題目。均乞由部代爲恭繳各等情。查各

省駐防繙譯鄉試

欽命題目。應由監臨恭繳。今本部業已代爲恭繳。相應

知照浙江湖北廣東各巡撫。嗣後駐防繙譯鄉

試

欽命題目。應由各該撫自行恭繳

奏事處。以歸畫一。

繙譯

駐防繙譯鄉會試

歷科各省駐防繙譯鄉會試中額

道光二十四年甲辰科繙譯鄉會試取中滿洲繙
譯進士二名

又甲辰

恩科繙譯鄉試取中滿洲繙譯舉人五名。四川三名。陝甘二名。

道光二十五年乙巳

恩科繙譯鄉會試取中滿洲繙譯進士三名。

道光二十六年丙午科繙譯鄉試取中滿洲繙

譯舉人七名

四川三名陝甘三名湖北一名

道光二十七年丁未科繙譯會試取中滿洲進士九名。

道光二十九年己酉科繙譯鄉試取中滿洲繙

譯舉人十二名

四川二名陝甘三名湖北一名廣東二名福建二名浙江一名

道光三十年庚戌科繙譯會試取中滿洲繙譯

進士八名

咸豐元年辛亥

恩科繙譯鄉試取中滿洲繙譯舉人十六名。四川三名。陝甘

三名。湖北二名。廣東二名。福建二名。浙江二名。江南二名。

恩科繙譯鄉試取中滿洲繙譯舉人十六名。四川三名。陝甘